

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2017/1093****2022/EES/26/38****frá 20. júní 2017****um tæknilega framkvæmdarstaðla að því er varðar snið stöðutilkynninga verðbréfafyrirtækja
og rekstraraðila markaða (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2014/65/ESB frá 15. maí 2014 um markaði fyrir fjármálagerninga ⁽¹⁾, einkum 5. mgr. 58. gr.,*og að teknu tilliti til eftirfarandi:*

- 1) Snið vikulegu tilkynningarinnar um samanteknar stöður mismunandi hópa aðila í mismunandi hrávöruafleiðum, losunarheimildum eða afleiðum með losunarheimildir sem viðskipti eru með á viðskiptavettvöngum ætti að sundurliða stöður niður í stöður sem á hlutlægan og mælanlegan hátt draga úr áhættu sem tengist beint viðskiptastarfsemi, aðrar stöður og heildarstöður til að stuðla að gagnsæi um aðgreininguna á milli fjármálatengdrar starfsemi og annarrar starfsemi með slíkar hrávöruafleiður, losunarheimildir eða afleiður með losunarheimildir.
- 2) Snið daglegra tilkynninga þar sem stöður verðbréfafyrirtækja og viðskiptavina þeirra í hrávöruafleiðum eða losunarheimildum eða afleiðum með losunarheimildir sem viðskipti eru með á viðskiptavettvöngum eru nákvæmlega sundurliðaðar sem og í fjárhagslega jafngildum OTC-samningum, ætti að vera með þeim hætti að það styðji við eftirlit með og beitingu stöðuhámarka skv. 57. gr. tilskipunar 2014/65/ESB.
- 3) Stöður sem hafa orðið til í kjölfar kaup- og söluviðskipta sem dreifast milli ólíkra afhendingardagsetninga eða hrávára eða vegna annarra flókinna stefnuáætlana ættu að vera tilgreindar á aðgreinanlegum grunni nema viðskipti séu með samsetningu afurða eins og um stakan fjármálagerning sé að ræða sem tilgreindur er með ISIN-númeri og stöðurnar sem haldið er í honum falli undir tiltekin takmörk.
- 4) Til að viðkomandi yfirvöld og Evrópska verðbréfamarkaðseftirlitsstofnunin (ESMA) geti með skilvirkum og samræmdum hætti sinnt skyldum sínum ættu þau að fá gögn sem eru samanburðarhæf milli verðbréfafyrirtækja og rekstraraðila markaða sem starfrækja viðskiptavettvanga. Notkun sameiginlegs sniðs þvert á mismunandi innviði fjármálamarkaða yfir undir víðtækari notkun af hálfu margskonar markaðsaðila og stuðlar þannig að stöðlun.
- 5) Til að auðvelda samfellda vinnslu og draga úr kostnaði þátttakenda á markaði ættu öll verðbréfafyrirtæki og rekstraraðilar markaða sem starfrækja viðskiptavettvanga að nota stöðluð snið.
- 6) Ný löggjöf Evrópuþingsins og ráðsins um markaði fyrir fjármálagerninga sem sett er fram í tilskipun 2014/65/ESB og reglugerð Evrópuþingsins og ráðsins (ESB) nr. 600/2014 ⁽²⁾ gildir frá og með 3. janúar 2018. Til að tryggja samræmi og réttarvissu ætti þessi reglugerð að koma til framkvæmda frá og með sama degi.
- 7) Reglugerð þessi byggist á drögum að tæknilegum framkvæmdarstöðlum sem Evrópska verðbréfamarkaðseftirlitsstofnunin hefur lagt fyrir framkvæmdastjórnina.
- 8) Evrópska verðbréfamarkaðseftirlitsstofnunin hefur haft opið samráð við almenning um drögin að tæknilegu eftirlitsstöðlunum sem þessi reglugerð byggist á, greint mögulegan tengdan kostnað og ávinning og óskað eftir álitni hagsmunahópsins á verðbréfamarkaði, sem komið var á fót í samræmi við 37. gr. reglugerðar Evrópuþingsins og ráðsins (ESB) nr. 1095/2010 ⁽³⁾.

(*) Þessi ESB-gerð birtist í Stj. 158, 21.6.2017, bls. 16. Hennar var getið í ákvörðun sameiginlegu EES-nefndarinnar nr. 85/2019 frá 29. mars 2019 um breytingu á IX. viðauka (Fjármálaþjónusta) við EES-samninginn, sjá EES-viðbæti við *Stjórnartíðindi Evrópusambandsins* nr. 88, 31.10.2019, bls. 7.

(1) Stj. 173, 12.6.2014, bls. 84.

(2) Reglugerð Evrópuþingsins og ráðsins (ESB) nr. 600/2014 frá 15. maí 2014 um markaði fyrir fjármálagerninga og um breytingu á reglugerð ráðsins (ESB) nr. 648/2012 (Stj. 173, 12.6.2014, bls. 84).

(3) Reglugerð Evrópuþingsins og ráðsins (ESB) nr. 1095/2010 frá 24. nóvember 2010 um að koma á fót evrópskri eftirlitsstofnun (Evrópska verðbréfamarkaðseftirlitsstofnunin) um breytingu á ákvörðun nr. 716/2009/EB og um niðurfellingu á ákvörðun framkvæmdastjórnarinnar 2009/77/EB (Stj. 331, 15.12.2010, bls. 84).

SAMÞYKKT REGLUGERÐ ÞESSA:

1. gr.

Vikulegar tilkynningar

1. Verðbréfafyrirtæki eða rekstraraðilar markaða sem starfrækja viðskiptavettvang skulu útbúa þá vikulega tilkynningu sem um getur í a-lið 1. mgr. 58. gr. tilskipunar 2014/65/ESB, sérstaklega fyrir hverja hrávöruafleiðu, losunarheimild eða afleiðu með losunarheimildir, sem viðskipti eru með á þeim viðskiptavettvangi, í samræmi við sniðmátið sem sett er fram í töflum I. viðauka við þessa reglugerð.
2. Tilkynningarnar sem um getur í 1. mgr. skulu tilgreina samtölu allra staðna mismunandi aðila í hverjum þeirra flokka sem settir eru fram í töflu 1 í I. viðauka í stakri hrávöruafleiðu, losunarheimild eða afleiðu með losunarheimildir sem viðskipti eru með á þeim viðskiptavettvangi.

2. gr.

Daglegar tilkynningar

1. Verðbréfafyrirtæki skulu láta lögbærum yfirvöldum í té sundurliðun á stöðum sínum eins og um getur 2. mgr. 58. gr. tilskipunar 2014/65/ESB með daglegum stöðutilkynningum á formi sem sett er fram í töflunum í II. viðauka við þessa reglugerð.
2. Tilkynningarnar sem um getur í 1. mgr. skulu tilgreina allar stöður yfir alla líftíma allra samninga.

3. gr.

Snið tilkynninga

Rekstraraðilar viðskiptavettvanga og verðbréfafyrirtæki skulu leggja fram tilkynningarnar sem um getur í 1. og 2. gr. á sameiginlegu stöðluðu XML sniði.

4. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 3. janúar 2018.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 20. júní 2017.

Fyrir hönd framkvæmdastjórnarinnar,

Jean-Claude JUNCKER

forseti.

Tafla 2

Táknatafla fyrir töflu 3

TÁKN	GAGNATEGUND	SKILGREINING
{ALPHANUM-n}	Allt að n alstöfum	Reitur fyrir frjálsan texta.
{DECIMAL-n/m}	Tugabrot upp að n tölustöfum alls, þar sem allt að m tölustafir geta verið brota-tölur	Talnareitur fyrir bæði plús- og mínusgildi: — táknid sem skilur á milli heiltöluhlutans og aukastafa er „.“ (punktur), — mínustölur eru með forskeytinu „-“ (mínus). Eftir atvikum eru gildi námunduð og ekki stýfð.
{DATEFORMAT}	ISO 8601 dagsetningarsnið	Dagsetningar skulu vera á eftirfarandi sniði: ÁÁÁÁ-MM-DD.
{DATE_TIME_FORMAT}	ISO 8601 dagsetningar- og tímasnið	— Dagsetning og tími á eftirfarandi sniði: ÁÁÁÁ-MM-DDTkk:mm:ss.ddddddZ. — „ÁÁÁÁ“ er árið, — „MM“ er mánuðurinn, — „DD“ er dagurinn, — „T“ — merkir að nota skuli bókstafinn „T“, — „kk“ er klukkustundin, — „mm“ er mínútan, — „ss.dddddd“ eru sekúndan og sekúndubrotið; — Z er samræmdur heimstími (UTC). Dagsetningar og tíma skal tilkynna á UTC.
{MIC}	4 alstafir	Markaðsauðkenni eins og það er skilgreint í ISO 10383
{INTEGER-n}	Heil tala allt að n tölustafir samtals	Talnareitur fyrir bæði jákvæð og neikvæð heiltölugildi.

Tafla 3

Tafla með reitum þar sem tilkynna á um hverja hrávöruafleiðu, losunarheimild eða afleiðu með losunarheimildir að því er varðar 1. gr.

REITUR	UPPLÝSINGAR SEM SKAL VEITA	SNID UPPLÝSINGAGJAFAR
Heiti viðskiptavettvangs	Reitur sem fylla skal út með fullu heiti viðskiptavettvangsins.	{ALPHANUM-350}
Auðkenni viðskiptavettvangs	Reitur sem fylla skal út með markaðsauðkenniskóða markaðshluta (e. <i>segment MIC code</i>) viðskiptavettvangsins í samræmi við ISO 10383. Sé markaðsauðkenniskóði markaðshluta ekki fyrir hendi skal nota markaðsauðkenniskóða rekstraraðila (e. <i>operating MIC</i>).	{MIC}

REITUR	UPPLÝSINGAR SEM SKAL VEITA	SNID UPPLÝSINGAGJAFAR
Dagsetning sem vikulega tilkynningin vísar til	Reitur sem fylla skal út með dagsetningunni sem samsvarar föstudegi almanaksvikunnar sem stöðunni er haldið í.	{DATEFORMAT}
Dagsetning og tími birtingar	Reitur sem fylla skal út með dagsetningunni og tímanum sem tilkynningin er birt á vefsetri viðskiptavettvangsins.	{DATE_TIME_FORMAT}
Heiti hrávöruafleiðusamnings, losunarheimildar eða afleiðu með losunarheimild	Reitur sem fylla skal út með heiti hrávöruafleiðusamnings, losunarheimildar eða afleiðu með losunarheimildir, sem tilgreind eru með afurðarkóða viðskiptavettvangsins.	{ALPHANUM-350}
Afurðarkóði viðskiptavettvangs	Reitur sem fylla skal út með einkvæmu og ótvíræðu alstafaauðkenni sem viðskiptavettvangurinn notar til að flokka saman samninga með mismunandi líftíma og lausnarverð í eina og sömu afurð.	{ALPHANUM-12}
Staða tilkynningar	<p>Upplýsingar um hvort tilkynningin sé ný eða eldri tilkynning sem er afturkölluð eða breytt.</p> <p>Ef tilkynning sem áður var lögð fram er afturkölluð eða henni breytt ætti að senda tilkynningu sem felur í sér allar upplýsingarnar úr upphaflegu tilkynningunni og flagga „stöðu tilkynningar“ sem „CANC“.</p> <p>Sé um að ræða breytingar ætti að senda nýja tilkynningu sem felur í sér allar upplýsingar úr upphaflegu tilkynningunni ásamt öllum nauðsynlegum breytingum og flagga „stöðu tilkynningar“ sem „AMND“.</p>	<p>„NEWT“ — Ný</p> <p>„CANC“ — Afturköllun</p> <p>„AMND“ — Breyting</p>
Fjöldi staðna	Reitur sem fylla skal út með samanlögðu magni opinna staðna á föstudegi í lok viðskiptadagsins. Magnið ætti að gefa upp sem fjölda lotna (þegar stöðuhámörk eru tilgreind í lotum) eða einingum undirliggjandi þáttar (e. <i>the underlying</i>). Valréttarsamningar skulu teknir með í samlagninguna og tilgreindir á grundvelli delta-jafngildis (e. <i>delta-equivalent basis</i>).	{DECIMAL-15/2}
Táknun á magni staðna	Þennan reit skal fylla út með einingunum sem notaðar eru til að tilgreina fjölda staðna.	<p>„LOTS“ — ef stöðumagnnið er gefið upp í lotum eða</p> <p>{ALPHANUM-25} — lýsing á einingunum sem notaðar eru ef stöðumagnnið er gefið upp í einingum undirliggjandi þáttar</p>
Breytingar frá síðustu tilkynningu (+/-)	Reitur sem fylla skal út með magni staðna sem endurspeglar aukningu eða minnkun miðað við föstudaginn á undan. Sé um að ræða minnkun staðna skal talan gefin upp sem mínustala með forskeytinu „-“ (mínus).	{DECIMAL-15/2}

REITUR	UPPLÝSINGAR SEM SKAL VEITA	SNID UPPLÝSINGAGJAFAR
Hundraðshluti af opnum stöðum samtals	Reitur sem fylla skal út með þeim hundraðshluta sem stöðurnar nema af opnum stöðum samtals.	{DECIMAL-5/2}
Fjöldi aðila með stöðu í hverjum flokki	Reitur sem fylla skal út með fjölda aðila með stöðu í flokknum. Ef fjöldi aðila með stöðu í flokknum er undir fjöldanum sem tilgreindur er í framseldri reglugerð framkvæmdastjórnarinnar að því er varðar 6. mgr. 58. gr. tilskipunar MiFID II ⁽¹⁾ , skal fylla út reitinn með „“ (punktur).	{INTEGER-7} eða {ALPHANUM-1} ef fylla skal út reitinn með „“ (punktur).

(¹) Framseld reglugerð framkvæmdastjórnarinnar (ESB) 2017/565 frá 25. apríl 2016 um viðbætur við tilskipun Evrópuþingsins og ráðsins 2014/65/ESB að því er varðar skipulagskröfur og rekstrarskilyrði verðbréfafyrirtækja og hugtök sem skilgreind eru að því er varðar þá tilskipun (Stjútíð. ESB L 87, 31.3.2017, bls. 1).

II. VIÐAUKI

Sniðmát fyrir daglegar tilkynningar

Tafla 1

Táknatafla fyrir töflu 2

TÁKN	GAGNATEGUND	SKILGREINING
{ALPHANUM-n}	Allt að n alstöfum	Reitur fyrir frjálsan texta.
{DECIMAL-n/m}	Tugabrot upp að n tölustöfum alls, þar sem allt að m tölustafir geta verið brota-tölur	Talnareitur fyrir bæði plús- og mínusgildi: — táknið sem skilur á milli heiltöluhlutans og aukastafa er „.“ (punktur), — mínustölur eru með forskeytinu „-“ (mínus). Eftir atvikum eru gildi námunduð og ekki stýfð.
{DATEFORMAT}	ISO 8601 dagsetningarsnið	Dagsetningar skulu vera á eftirfarandi sniði: ÁÁÁÁ-MM-DD.
{DATE_TIME_FORMAT}	ISO 8601 dagsetningar- og tímasnið	— Dagsetning og tími á eftirfarandi sniði: ÁÁÁÁ-MM-DDTkk:mm:ss.ddddddZ. — „ÁÁÁÁ“ er árið, — „MM“ er mánuðurinn, — „DD“ er dagurinn, — „T“ — : merkir að nota skuli bókstafinn „T“ — „kk“ er klukkustundin, — „mm“ er mínútan, — „ss.dddddd“ eru sekúndan og sekúndubrotið, — Z er samræmdur heimstími (UTC). Dagsetningar og tíma skal tilkynna á UTC.
{ISIN}	12 alstafir	ISIN-kóði eins og hann er skilgreindur í ISO 6166
{LEI}	20 alstafir	Auðkenni lögaðila eins og það er skilgreint í ISO 17442
{MIC}	4 alstafir	Markaðsauðkenni eins og það er skilgreint í ISO 10383
{NATIONAL_ID}	35 alstafir	Auðkennið er það sem sett er fram í 6. gr. framseldrar reglugerðar framkvæmdastjórnarinnar (ESB) 2017/590 ⁽¹⁾ um kvaðir um skýrslugjöf um viðskipti skv. 26. gr. reglugerðar Evrópuþingsins og ráðsins (ESB) nr. 600/2014 ⁽²⁾ og II. viðauka þeirrar reglugerðar.

TÁKN	GAGNATEGUND	SKILGREINING
{INTEGER-n}	Heil tala allt að n tölustafir samtals	Talnareitur fyrir bæði jákvæð og neikvæð heiltölugildi.

(1) Framseld reglugerð framkvæmdastjórnarinnar (ESB) 2017/590 frá 28. júlí 2016 um viðbætur við tilskipun Evrópuþingsins og ráðsins (ESB) nr. 600/2014 að því er varðar tæknilega eftirlitsstaðla um skýrslugjöf um viðskipti til lögbærra yfirvalda (Stjútíð. ESB L 87, 31.3.2017, bls. 449).

(2) Reglugerð Evrópuþingsins og ráðsins (ESB) nr. 600/2014 frá 15. maí 2014 um markaði fyrir fjármálagerninga og um breytingu á reglugerð ráðsins (ESB) nr. 648/2012 (Stjútíð. ESB L 173, 12.6.2014, bls. 84).

Tafla 2

Töflur með reitum þar sem tilkynna á um allar stöður yfir alla líftíma allra samninga að því er varðar 2. gr.

REITUR	UPPLÝSINGAR SEM SKAL VEITA	SNIÐ UPPLÝSINGAGJAFAR
Dagsetning og tími framlagn-ingar tilkynningar	Reitur sem fylla skal út með dagsetningu og tíma þegar tilkynningin er lögð fram.	{DATE_TIME_FORMAT}
Tilvísunarnúmer tilkynningar	Reitur sem fylla skal út með einkvæma auðkenninu sem tilkynnandinn veitir og tilgreinir ótvírætt tilkynninguna fyrir bæði tilkynnandann og lögbæra yfirvaldið sem henni er beint til.	{ALPHANUM-52}
Dagsetning viðskiptadags tilkynntrar stöðu.	Reitur sem fylla skal út með dagsetningunni þegar stöðunni sem tilkynnt er um er haldið í lok viðskiptadags á viðkomandi viðskiptavettvangi.	{DATEFORMAT}
Staða tilkynningar	Upplýsingar um hvort tilkynningin sé ný eða áður framlögð tilkynning sem er afturkölluð eða breytt. Ef tilkynning sem áður var lögð fram er afturkölluð eða henni breytt ætti að senda tilkynningu sem felur í sér allar upplýsingarnar úr upphaflegu tilkynningunni, nota upphaflegt tilvísunarnúmer tilkynningar og flagga ætti „stöðu tilkynningar“ sem „CANC“. Við breytingar ætti að senda nýja tilkynningu sem felur í sér allar upplýsingarnar úr upphaflegu tilkynningunni nota upphaflegt tilvísunarnúmer tilkynningar, tilgreina allar nauðsynlegar breytingar og flagga „stöðu tilkynningar“ sem „AMND“.	„NEW“ — Ný „CANC“ — Afturköllun „AMND“ — Breyting
Auðkenni tilkynningaraðila	Auðkenni verðbréfafyrirtækisins sem sendir tilkynninguna. Reitur sem fylla skal út með auðkenni lögaðila (LEI) sé um að ræða lögaðila og með {NATIONAL_ID} sé um að ræða einstaklinga sem hafa ekki auðkenni lögaðila.	{LEI} eða {NATIONAL_ID} — einstaklingar

REITUR	UPPLÝSINGAR SEM SKAL VEITA	SNIÐ UPPLÝSINGAGJAFAR
Auðkenni stöðutaka	Reitur sem fylla skal út með auðkenni lögaðila (LEI) sé um að ræða lögaðila og með {NATIONAL_ID} sé um að ræða einstaklinga sem hafa ekki auðkenni lögaðila. (Ath.: Ef staðan er fyrir eigin reikning fyrirtækisins sem er tilkynningandinn skal þessi reitur vera eins og reiturinn „Auðkenni tilkynningaraðila“).	{LEI} eða {NATIONAL_ID} — einstaklingar
Tölvupóstfang stöðutaka	Tölvupóstfang fyrir tilkynningar um atriði sem tengjast stöðu.	{ALPHANUM-256}
Auðkenni endanlegs móðurfélags	Reitur sem fylla skal út með auðkenni lögaðila (LEI) sé um að ræða lögaðila og með {NATIONAL_ID} sé um að ræða einstaklinga sem hafa ekki auðkenni lögaðila. Ath.: Þessi reitur getur verið eins og reiturinn „Auðkenni tilkynningaraðila“ eða „Auðkenni stöðutaka“ ef endanlega móðurfélagið á sínar eigin stöður, eða útbýr eigin tilkynningar.	{LEI} eða {NATIONAL_ID} — einstaklingar
Tölvupóstfang endanlegs móðurfélags	Tölvupóstfang til samskipta í tengslum við samanlagðar stöður	{ALPHANUM-256}
Staða móðurfélags sjóðs um sameiginlega fjárfestingu	Reitur til að tilgreina hvort stöðutakinn sé sjóður um sameiginlega fjárfestingu sem tekur fjárfestingarákvarðanir óháð móðurfélagi sínu eins og sett er fram í 2. mgr. 4. gr. framseldrar reglugerðar framkvæmdastjórnarinnar (ESB) 2017/591 (1).	„TRUE“ — stöðutakinn er sjóður um sameiginlega fjárfestingu sem tekur óháðar fjárfestingarákvarðanir „FALSE“ — stöðutakinn er ekki sjóður um sameiginlega fjárfestingu sem tekur óháðar fjárfestingarákvarðanir
Auðkenniskóði samnings sem viðskipti eru með á viðskiptavettvöngum	Auðkenni hrávöruafleiðu, losunarheimildar eða afleiðu með losunarheimildir. Sjá reitinn „Auðkenni viðskiptavettvangs“ að því er varðar meðferð OTC-samninga sem eru fjárhagslega jafngildir samningum sem viðskipti eru með á viðskiptavettvöngum.	{ISIN}
Afurðarkóði viðskiptavettvangs	Reitur sem fylla skal út með einkvæmu og ótvíræðu alstafaauðkenni sem viðskiptavettvangurinn notar til að flokka saman samninga með mismunandi líftíma og lausnarverð í eina og sömu afurð.	{ALPHANUM-12}
Auðkenni viðskiptavettvangs	Reitur sem fylla skal út með markaðsauðkenniskóða markaðshluta (e. <i>segment MIC code</i>) skv. ISO 10383 fyrir stöður sem tilkynntar eru í tengslum við samninga á viðskiptavettvangnum (e. <i>on-venue</i>). Sé markaðsauðkenniskóði markaðshluta ekki fyrir hendi skal nota markaðsauðkenniskóða rekstraraðila.	{MIC}

REITUR	UPPLÝSINGAR SEM SKAL VEITA	SNIÐ UPPLÝSINGAGJAFAR
	<p>Notið markaðsauðkenniskóðann (MIC) „XXXX“ fyrir stöður utan viðskiptavettvangs (e. <i>off-venue</i>) í fjárhagslega jafngildum OTC-samningum.</p> <p>Notið markaðsauðkenniskóðann (MIC) „XOFF“ fyrir skráðar afleiður eða losunarheimildir sem viðskipti eru með utan kauphallar (e. <i>off-exchange</i>).</p>	
Tegund stöðu	<p>Reitur til að tilgreina hvort staðan sé í framtíðarsamningum, valréttum, losunarheimildum eða afleiðum þeirra, hrávöruafleiðum sem skilgreindar eru skv. c-lið 44. liðar 1. mgr. 4. gr. tilskipunar Evrópuþingsins og ráðsins 2014/65/ESB (2) eða einhverjum öðrum tegundum samninga.</p>	<p>„OPTN“ — Valréttir, þ.m.t. valréttir sem unnt er að eiga í aðgreindum viðskiptum með af tegundunum FUTR, SDRV eða OTHR, að undanskildum afurðum þar sem valkvæðnin er aðeins innbyggður þáttur</p> <p>„FUTR“ — Framtíðarsamningar</p> <p>„EMIS“ — Losunarheimildir og afleiður þeirra</p> <p>„SDRV“ — Hrávöruafleiður eins og þær eru skilgreindar í c-lið 44. liðar 1. mgr. 4. gr. tilskipunar 2014/65/ESB</p> <p>„OTHR“ — aðrar tegundir samninga</p>
Líftími stöðu	<p>Upplýsingar um hvort líftími samningsins sem felur í sér tilkynntu stöðuna tengist nærmánuði eða öllum öðrum mánuðum. Ath.: Krafist er aðgreindra tilkynninga fyrir nærmánuði og alla aðra mánuði.</p>	<p>„SPOT“ — nærmánuður, þ.m.t. allar stöður af tegundunum EMIS og SRDV</p> <p>„OTHR“ — allir aðrir mánuðir</p>
Stöðumagn	<p>Reitur sem fylla skal út með nettóstöðumagni í hrávöruafleiðu, losunarheimildum eða afleiðum þeirra, annaðhvort tilgreindu í lotum, ef stöðuhámörk eru tilgreind í lotum, eða einingum undirliggjandi þáttar.</p> <p>Þennan reit skal fylla út með plústölu fyrir gnóttstöður og mínustölu fyrir skortstöður.</p> <p>Ef staðan er í hrávöruafleiðum sem skilgreindar eru skv. c-lið 44. liðar 1. mgr. 4. gr. tilskipunar 2014/65/ESB skal fylla út þennan reit með fjölda eininga.</p>	{DECIMAL-15/2}
Táknun á magni staðna	<p>Þennan reit skal fylla út með einingunum sem notaðar eru til að tilgreina stöðumagn. Þ.</p>	<p>„LOTS“ — ef stöðumagn. er gefið upp í lotum</p> <p>{ALPHANUM-25} — lýsing á einingunum sem notaðar eru ef stöðumagn. er gefið upp í einingum undirliggjandi þáttar</p> <p>„UNIT“ — ef stöðumagn. er gefið upp í einingum</p>

REITUR	UPPLÝSINGAR SEM SKAL VEITA	SNIÐ UPPLÝSINGAGJAFAR
Delta-jafngilt stöðumagn	<p>Ef stöðutegundin er „OPTN“ eða valréttur á „EMIS“ skal þessi reitur hafa að geyma delta-jafngilt (e. <i>delta-equivalent</i>) magn stöðunnar sem tilgreind er í reitnum „Stöðumagn“.</p> <p>Þennan reit skal fylla út með plústölu fyrir gnóttstöður í kaupréttum og skortstöður í söluréttum og mínustölu fyrir gnóttstöður í söluréttum og skortstöður í kaupréttum.</p>	{DECIMAL-15/2}
Upplýsingar um hvort staðan dragi úr áhættu í tengslum við viðskiptastarfsemi	Reitur til að tilgreina hvort staðan dragi úr áhættu í samræmi við 7. gr. framseldrar reglugerðar (ESB) 2017/591.	„TRUE“ — staðan dregur úr áhættu „FALSE“ — staðan dregur ekki úr áhættu

(1) Framseld reglugerð framkvæmdastjórnarinnar (ESB) 2017/591 frá 1. desember 2016 um viðbætur við tilskipun Evrópuþingsins og ráðsins 2014/65/ESB að því er varðar tæknilega eftirlitsstaðla fyrir beitingu stöðuhámarka á hrávörufleiður (Stjtíð. ESB L 87, 31.3.2017, bls. 479).

(2) Tilskipun Evrópuþingsins og ráðsins 2014/65/ESB frá 15. maí 2014 um markaði fyrir fjármálagerninga og um breytingu á tilskipun 2002/92/EB og tilskipun 2011/61/ESB (Stjtíð. ESB L 173, 12.6.2014, bls. 349).